

太玄經

冊一



太玄經

四時節氣

《四部備要》

子部

上海中華書局據明刻本

校刊

桐鄉 陸費達 總勘

杭縣 高時顯 輯校

杭縣 吳汝霖 校

丁輔之 監造

太玄序

漢五業主事宋衷始爲玄作解詁吳鬱林太守陸續作釋正晉尙書郎范望作解贊唐門下侍郎平章事王涯注經及首測宋興都官郎中直昭文館宋惟幹通爲之注秦州天水尉陳漸作演玄司封員外郎吳祕作音義慶曆中光始得太玄而讀之作讀玄自是求訪此數書皆得之又作說玄疲精勞神三十餘年訖不能造其藩籬以其用心久棄之似可惜乃依法言爲之集注誠不知量庶幾來者或有取焉其直云宋者沖子也云小宋者昭文郎中也元豐五年六月丁丑司馬光序

說玄

易與太玄大抵道同而法異易畫有二曰陽曰陰玄畫有三曰一曰二曰三易有六位玄有四重

最上曰方次曰州次曰部次曰家本傳所謂三摹而四分之極於八十一者也

易以八卦相重爲六十四卦玄以一二三錯於方州部家爲八十一首

凡家每首輒變三首而復初如中用礮之類是也部三首一變九首而復初如中閑上之類是也州九首一變二十七首而復初如中羨從之類是也方二十七首一變八十一首而復初如中更減之類是也八十一首以上不可復加故曰自然之道也

易每卦六爻合爲三百八十四爻玄每首九贊合爲

七百二十九贊

圖曰玄有二道一以三起一以三生以三起者方州部家也以三生者三分陽氣以爲三重極爲九營是爲同本離生天地之經也本傳曰雄覃思渾天三摹而四分之極於八十一者謂玄首也又曰旁則三摹九据極於七百二十九贊者謂玄贊也首猶卦也贊猶爻也又曰觀易者見其卦而名之觀玄者數其畫而定之玄首四重者非卦也數也故易卦六爻爻皆有辭玄首四重而別爲九贊以繫其下然則首與贊分道而行不相因者也皆當暮以日

易卦氣起中孚除震離兌坎四正卦二十四爻主

二十四氣外其餘六十卦每卦六日七分凡得三百六十五日四分日之一中孚初九冬至之初也頤上九大雪之末也周而復始玄八十一首每首九贊凡七百二十九贊每二贊合爲一日一贊爲晝一贊爲夜凡三百六十四日半益以蹢贏二贊成三百六十五日四分日之一中初一冬至之初也蹢贏二贊大雪之末也亦周而復始凡玄首皆以易卦氣爲次序而變其名稱始者中孚也周者復也蹢閑者屯也少者謙也戾者睽也餘皆倣此故玄首曰八十一首歲事咸貞測曰巡乘六甲與斗相逢曆以紀歲而百穀時雍皆謂是也

易有元亨利貞玄有罔直蒙酋冥五者太玄之德罔北方也於易爲貞直東方也於

易爲元蒙南方也於易爲亨會西方也於易爲利
冥者未有形也故玄文曰罔蒙相極直會相勅出
冥入冥新故更代玄首起冬至故分貞以爲罔冥
罔者冬至以後冥者大雪以前也

易大衍之數五十其用四十有九玄天地之策各十
有八合爲三十六策地則虛三用三十三策易揲之
以四玄揲之以三

太玄揲法掛一而中分其餘以三揲

一作搜一作換

之并

餘於芳一芳之後再數其餘七爲一八爲二九爲
三

易有七九八六謂之四象玄有一二三謂之三摹
皆畫卦首之數也

易有彖玄有首

彖者卦之辭也首者亦統論一首之義也

易有爻玄有贊易有象玄有測

測所以解贊也

易有文言玄有文

文解五德并中首九贊文言之類也

易有繫辭玄有攤瑩挽圖告

五者皆推贊太玄繫辭之類也

易有說卦玄有數

數者論九贊所象說卦之類也

易有序卦玄有衝

衝者序八十一首陰陽相對而解之序卦之類也

易有雜卦玄有錯

錯者雜八十一首而說之

殊塗而同歸百慮而一致皆本於太極兩儀三才四
時五行而歸於道德仁義禮也

集注太玄

涑水司馬光

讀玄

余少之時聞玄之名而不獲見獨觀楊子之自序稱玄盛矣及班固爲傳則曰劉歆嘗觀玄謂雄曰空自苦今學者有祿利然尙不能明易又如玄何吾恐後人用覆醬瓿也雄笑而不應諸儒或譏以爲雄非聖人而作經猶春秋吳楚之君僭號稱王蓋誅絕之罪也固存此言則固之意雖愈於歆亦未謂玄之善如楊子所云也余亦私怪楊子不贊易而別爲玄易之道其於天人之緼備矣楊子豈有以加之乃更爲一書且不知其焉所用之故亦不謂楊子宜爲玄也及長學易苦其幽奧難知以爲玄者賢人之書校於易

其義必淺其文必易夫登喬山者必踐於塊埤適滄海者必沿於江漢故願先從事於玄以漸而進於易庶幾乎其可跂而望也於是求之積年乃得觀之初則溟滓漫漶略不可入乃研精易慮屏人事而讀之數十過參以首尾稍得闕其梗概然後喟然置書嘆曰嗚呼楊子直大儒者耶孔子既沒知聖人之道者非楊子而誰孟與荀殆不足擬況其餘乎觀玄之書昭則極於人幽則盡於神大則包宇宙細則入毛髮合天地人之道以爲一刮其根本示人所出胎育萬物而兼爲之母若地履之而不可窮也若海挹之而不可竭也天下之道雖有善者其蔑以易此矣考之於混元之初而玄已生察之於今而玄非不行窮之於天地之末而玄不可亡叩之以萬物之情而不漏

測之以鬼神之狀而不違概之以六經之言而不悖
借使聖人復生視玄必憚然而笑以爲得己之心矣
乃知玄者所以贊易也非別爲書以與易競也何歆
固知之之淺而過之之深也或曰易之法與玄異楊
子不遵易而自爲之制安在其贊易乎且如與易同
道則既有易矣何以玄爲曰夫眈者所以爲禽也網
而得之與弋而得之何以異哉書者所以爲道也易
網也玄弋也何害不旣網而使弋者爲之助乎子之
求道亦膠矣且楊子作法言所以準論語作玄所以
準易子不廢法言而欲廢殷玄不亦惑乎夫法言與
論語之道庸有異乎玄之於易亦然大廈將顛一木
扶之不若衆木扶之之爲固也大道將晦一書辨之
不若衆書辨之之爲明也學者能專精於易誠足矣

然易天也玄者所以爲之階也子將升天而廢其階
乎先儒爲玄釋者多矣然楊子爲文則旣多訓詁指
趣幽邃而玄又其難知者也故余疑先儒之解未能
盡契楊子之志世必有能通之者比老終且學焉

一統歲為分一統三元統為一甲一盡方州部家三位疏成疏范本

謂疎王予小宋本首之四統今從宋陸州部家者疏宋曰疏布也光

之故天一玄之都覆三方方同九州枝載庶邦分正羣象

也部者天子之象也方者方伯九州之象也州者州牧之象

以制衆而綱紀定矣三位一一家之三象也以上以三統下寡

於方州部家而曰陳其九九以為數生於陸三為玄數起

部家轉而相乘以成八十一贊上羣綱乃綜乎名宋

陸王本綱作剛誤也今從范本上時掌切舉也楊子

舉玄以七百二十誤九贊為漫德難知故以八十一楊首

不素故曰贊上羣綱乃總乎名也首者凡贊之端首

也八十一首歲事咸貞

玄測

盛哉日乎炳明離章五色滄光而陸曰所以於測篇首

百二十九贊之中為晝夜休咎之徵也日含五行之

精以爲光明故稱淳光謂晝夜循環寒暑運行以爲敘

殺萬物成立歲功皆日之所為也故楊子嘆以爲敘

測之端炳亦明也離文也淳粹也物之五色非日不

彰舊本夜則測陰晝則測陽為一日兩贊前贊為夜晝夜之

測或否或臧否音鄙宋曰臧善也陽推五福以類升陰

幽六極以類降善陽為出陰為入陽為顯陰為隱陽推

謂贊之陰升也陰幽六極以類降皆升降相關大貞乃

通二關交不也升偏廢偏交然則後三儀大正之道乃通明經

則有南有北緯則有西有東巡乘六甲與斗相逢宋

也日右行而斗左回故相逢也曆以紀歲而

百穀時雍范本紀作記今從上而宋陸王本宋曰雍和

治曆所以百穀和一歲人得氣節自然後事不

失一部一方一州中牛陽家水準易中孚中一之

分坎離震兌直以八卦重為六十四卦因爻象而定名

每分直四日一二三錯布於方州部大雲準易卦氣直首

四時之敘而命其名或起於冬至終於卦中者猶釋附分

太玄經卷一